



Broj: 01-50-1-15-56/18
Sarajevo, 31.1.2018.

Б

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 27-02-2018			
Organizaciona jedinica	Klasifikaciona oznaka	Redni broj	Broj priloga

ZAPISNIK
56. sjednice Predstavničkog doma
Parlamentarne skupštine Bosne i Hercegovine,
održane 31.1.2018.

Sjednica je počela u 16,35 sati. Odsutan je bio poslanik Borislav Bojić.

Sjednici su prisustvovali: predsjedavajući i članovi Vijeća ministara BiH.

Iz međunarodnih organizacija sjednicu su pratili predstavnici OHR-a, EUSR-a, Misije OSCE-a i Međunarodnog republikanskog instituta (IRI), iz nevladinih organizacija prisustvovali su predstavnici CCI-ja, te predstavnici britanske, američke i italijanske ambasade u BiH.

Predsjedavajuća Doma Borjana Krišto rekla je da će poslanicima, u skladu s članom 167. Poslovnika, na početku sjednice, a prije rasprave o dnevnom redu, biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- **Nermina Kapetanović** - ministru vanjskih poslova BiH
- **Saša Magazinović** - predsjedavajućem Vijeća ministara BiH
- **Fehim Škaljić** - ministru vanjske trgovine i ekonomskih odnosa BiH
- **Dužanka Majkić** - ministru civilnih poslova BiH
- **Hanka Vajzović** – ministru sigurnosti BiH
- **Salko Sokolović** – ministru komunikacija i prometa BiH
- **Mirsad Đonlagić** - ministru vanjske trgovine i ekonomskih odnosa BiH
- **Nenad Lalić** – ministrici odbrane BiH
- **Damir Arnaut** - predsjedavajućem Vijeća ministara BiH
- **Maja Gasal-Vražalica** - predsjedavajućem Vijeća ministara BiH
- **Jasmin Emrić** - predsjedavajućem Vijeća ministara BiH
- **Sadik Ahmetović** - ministru sigurnosti BiH
- **Mirsad Isaković** - predsjedavajućem Vijeća ministara BiH
- **Senad Šepić** - predsjedavajućem Vijeća ministara BiH.

Nermina Kapetanović

Pitanje upućeno ministru vanjskih poslova BiH: „Molim Vas da nam predstavite izvještaj o učincima ekonomske diplomatije BiH u mandatnom periodu od 2014. do danas. Uz to, tražimo kompletan izvještaj ekonomske diplomatije u BiH u prethodnom mandatnom periodu od 2010. do 2014. godine koji možete dostaviti u pisanoj formi.“

- **Ministar vanjskih poslova BiH Igor Crnadak nije prisustvovao sjednici. Poslanica Nermina Kapetanović izrazila je nezadovoljstvo zato što ministar ne prisustvuje sjednici.**

Saša Magazinović

Pitanje upućeno predsjedavajućem Vijeća ministara BiH: „Ja imam pitanje za predsjedavajućeg Vijeća ministara BiH, a tiče se odgovora na Upitnik, posebno, dakle, nas u Parlamentu interesira na koja pitanja nije odgovoreno, a oko kojih pitanja je napravljen kompromis i koji je kompromis napravljen, posebno nas interesira odgovor na pitanje gdje je u odgovoru spominjan popis stanovništva, dakle – Da li je tačno da ste kao kompromis dogovorili da se šalju podaci s oba popisa, na osnovu kog zakona i čije odluke ste to uradili i da li je tačno da na ovaj način, dakle da li Vi to osjećate tako, ovo je sad više politička ravan ne pravna, da na taj način priznajte rezultate popisa u Republici Srpskoj?

A evo u zavisnosti od odgovora, imat ću još neke komentare, mi smo nedavno, kao što znate, predsjedavajući, na Komisiji za evropske integracije odbili Izvještaj o aktivnostima na evropskom putu. Jedan od razloga je frustracija poslanika i većine i opozicije time što nam se apsolutno ne dostavljaju informacije o ovom veoma bitnom procesu, a da ne spominjem to da Parlament nije na adekvatan način uključen. Od direktora Direkcije za evropske integracije smo dobili odgovor da mi ne možemo dobiti informaciju o tome šta se dešava jer su to tajni podaci. Pa dajte, možda malo da i to razjasnimo zbog čega je Parlament apsolutno isključen iz ovog procesa, da li je to stav Vijeća ministara BiH, Vaš lični stav ili je to neka nakaradna praksa koja mora prestati?“¹

- **Predsjedavajući Vijeća ministara BiH Denis Zvizdić dao je usmeni odgovor. Poslanik Saša Magazinović komentirao je odgovor.**

Fehim Škaljić

Pitanje upućeno ministru vanjske trgovine i ekonomskih odnosa BiH: „Želio bih potpunu informaciju o uzrocima i posljedicama koje su se pojavile o izvozu jabuka i mesa. Ključnu polugu jačanja ekonomije Bosne i Hercegovine čini izvoz. Ovakvim propustima administracije ugrožava se ta potreba. Izuzetno je važno preduzeti efikasne mjere da se to ubuduće ne dešava. Odgovorne je potrebno poimenično navesti, efikasno sankcionirati i blagovremeno cjelovito informirati javnost.“

- **Ministar vanjske trgovine i ekonomskih odnosa BiH Mirko Šarović dao je usmeni odgovor i rekao da će ga dostaviti u pisanoj formi.**

Duška Majkić

Pitanje upućeno ministru civilnih poslova BiH: „Dakle, moje je pitanje vezano za raspisivanje tendera za izgradnju poslovnog prostora za smještaj Agencije za identifikacione dokumente, evidenciju i razmjenu podataka – IDDEEA. Nosioc aktivnosti oko izgradnje i

¹ Izvod iz neautoriziranog transkripta 56. sjednice Predstavničkog doma Parlamentarne skupštine BiH

aktivnosti oko izgradnje zgrade su započete još 2009. godine, u međuvremenu obezbijedeno je zemljište, veličina parcele u iznosu od 17.190 m, koje je ova agencija dobila od Vlade Republike Srpske bez naknade na period od 100 godina. Objekat će biti u vlasništvu Bosne i Hercegovine, a na Ugovor o pravu gradnje pozitivno mišljenje dalo je Pravobranilaštvo BiH. Izvršeno je projektovanje od strane IDDEEA-e, Radnu grupu za projektovanje vodio je Edim Nesimi, donedavni direktor IDDEEA-e, utvrđena je potreba za upravnu zgradu i objekat spratnosti suteran + prizemlje + dva sprata predviđen za ovu zgradu. U međuvremenu prava, utvrđena je koliko je ta njena prava površina, bruto 9.611 m², odnosno 8.800 neto, iako smo slušali ministra sigurnosti koji je govorio o 30 hiljada, još nekim poslanicima koji su govorili o 15 hiljada, dakle 9.600 bruto i 8.800 neto površina. Dobivena je građevinska dozvola 2014. i na kraju produžena za još tri godine. Tender je na neobjašnjiv način zaustavljen, kako kaže revizija, to je neobjašnjiv način u Zakonu o javnim nabavkama. Moje pitanje glasi – Kada će i šta se čeka s objavljivanjem tendera za izgradnju objekta zgrade IDDEEA-e? ²

- **Ministar civilnih poslova BiH Adil Osmanović nije prisustvovao sjednici, pa će biti zatražen odgovor u pisanoj formi.**

Hanka Vajzović

Pitanje upućeno ministru sigurnosti BiH:

- 1) „Koje su sigurnosne agencije (da ih navede) opstruirale izradu Izvještaja o stanju sigurnosti time što nisu (na vrijeme) dostavile tražene podatke iz svoje nadležnosti?
 - 2) Da li je Ministarstvo sigurnosti BiH kao institucija koja je agencijama u sigurnosnom sustavu hijerarhijski nadređena, od agencija koje su odbile dostaviti podatke, tražilo objašnjenja, odnosno da li je o tome obavijestilo (a) Komisiju za odbranu i sigurnost PSBiH (zaduženu za parlamentarni nadzor) i (b) Nezavisni odbor PSBiH?
 - 3) Šta znači poziv zakonodavnoj vlasti da, kako je rekao ministar, „pomogne oko dostavljanja podataka“?
 - 4) Da li je na evidentno spornu koordinaciju u sigurnosnom sustavu (zorno potvrđenu naročito u nemirima iz februara 2014.) i ovo ignoriranje Ministarstva sigurnosti BiH (kao hijerarhijski krovne institucije), i na kakav način reagirao Nezavisni odbor (jesu li, dakle, uopće upoznati s tim problemima i šta poduzimaju)?“
- **Ministar sigurnosti BiH Dragan Mektić dao je usmeni odgovor. Poslanica Hanka Vajzović komentirala je dati odgovor.**

Salko Sokolović

Pitanje upućeno ministru komunikacija i prometa BiH:

- 1) „Zašto je Ministarstvo podzakonskim aktom (Pravilnikom) prenijelo javna ovlaštenja usklađivanja međunarodnih i međuentitetskih autobuskih redova vožnje na Vanjsko-trgovinsku komoru BiH, bez procedure utvrđene Zakonom o upravi?
 - 2) Koliko je, od dana prenesenih javnih ovlaštenja na Vanjskotrgovinsku komoru BiH do danas, bilo sudskih sporova, na koje se prijevoznike to odnosi i koliko je Ministarstvo isplatilo sredstava po izgubljenim sporovima pojedinačno i ukupno?“
- **Zamjenik ministra komunikacija i prometa BiH Saša Dalipagić dao je usmeni odgovor. Poslanik Salko Sokolović komentirao je dati odgovor.**

² Izvod iz neautoriziranog transkripta 56. sjednice Predstavničkog doma Parlamentarne skupštine BiH

Mirsad Đonlagić

Pitanje upućeno ministru vanjske trgovine i ekonomskih odnosa BiH: „U vrlo iscrpnom odgovoru na postavljano pitanje odnosa i ispunjenja obaveza prema Energetskoj zajednici spomenute su aktivnosti u vezi sa strategijom energetskog sektora Bosne i Hercegovine. Da li postoji jasan i precizan vremenski okvir okončanja izrade strategije energetskog sektora u Bosni i Hercegovini i ako postoji, molim Vas da mi jasno i precizno odgovorite na ovo pitanje.“

- **Ministar vanjske trgovine i ekonomskih odnosa BiH Mirko Šarović dao je usmeni odgovor. Poslanik Mirsad Đonlagić komentirao je dati odgovor koji je zatražio u pisanoj formi.**

Nenad Lalić

Pitanje upućeno ministrici odbrane BiH: „Zašto Ministarstvo odbrane BiH izbjegava da uslugu generalnog remonta helikoptera Mi-8 osigura kod remontnih organizacija koje je certificirao konstruktor helikoptera za izvođenje generalnog remonta helikoptera? Kako su sve zemlje iz okruženja (Hrvatska, Makedonija, Mađarska...) generalni remont helikoptera ugovorile kod zavoda koji imaju važeći certifikat AO „MVZ im. Milya“ i uprkos sugestijama KRŽ, MOBiH uporno pokušava da ugovor za remont dva helikoptera Mi-8 dodijeli firmi koja ne posjeduje certifikat AO „MVZ im. Milya“ (crno tržište) i time direktno utiče na sigurnost letenja u OSBiH?

Kako planira da na zakonit način realizira nabavku usluge i osigura remont helikoptera Mi-8 i koliko je vremena još potrebno za to, s obzirom na to da se nabavka usluge prolongira već više od četiri godine?

S koliko resursa (helikoptera) za gašenje požara iz zraka raspolažu OSBiH, a koji će se moći angažirati za potrebe pomoći civilnim strukturama?“

- **Ministrica odbrane BiH Marina Pendeš dala je usmeni odgovor. Poslanik Nenad Lalić komentirao je dati odgovor.**

Damir Arnaut

Pitanje upućeno predsjedavajućem Vijeća ministara BiH: „Ja sam prošle godine, sredinom prošle godine, zaprimio pismo potpisano od strane zabrinutih državnih službenika u institucijama Bosne i Hercegovine u kojem su ukazali na potencijalne nepravilnosti na sjednicama Vijeća ministara BiH, a koje se tiču usvajanja Pravilnika koje nalaže moj zakon, kojim su ukinute ili značajno ograničene naknade za rad u komisijama i drugim radnim tijelima. Slijedom tog pisma zatražio sam kroz poslaničko pitanje u pisanoj formi odgovore o navodima iz tog pisma, kao i dostavu zapisnika i drugih relevantnih materijala sa sjednica Vijeća ministara BiH na koje se pismo odnosilo i sve to je bilo u julu prošle godine. Tako da moje pitanje predsjedavajućem Vijeća ministara BiH, pošto imam iskustvo da dopunska poslanička pitanja uglavnom u pisanoj formi ne luče neki rezultat kad čekate šest mjeseci na inicijalno pitanje, postavljam usmeno poslaničko pitanje, a to je – Koji je status pripreme odgovora i traženih materijala iz ovog pisanog poslaničkog pitanja od 28.7.2017.? ³

- **Ministar finansija i trezora BiH Vjekoslav Bevanda dao je usmeni odgovor. Poslanik Damir Arnaut komentirao je dati odgovor i zatražio da na narednoj sjednici Doma na kojoj bude predviđeno postavljanje usmenih pitanja ponovi ovo svoje pitanje, te insistira da mu odgovor dâ predsjedavajući Vijeća ministara BiH.**

³ Izvod iz neautoriziranog transkripta 56. sjednice Predstavničkog doma Parlamentarne skupštine BiH

Maja Gasal-Vražalica

Pitanje upućeno predsjedavajućem Vijeća ministara BiH: „Nedavno je Vijeće ministara BiH imalo posjetu Vlade Republike Hrvatske. Da li je na dnevnom redu vašeg susreta bilo Buško jezero? Šta ste dogovorili?“

- **Ministar vanjske trgovine i ekonomskih odnosa BiH Mirko Šarović dao je usmeni odgovor. Poslanica Maja Gasal-Vražalica zatražila je odgovor u pisanoj formi.**

Jasmin Emrić

Pitanje upućeno predsjedavajućem Vijeća ministara BiH: „Uvaženi predsjedavajući, koji su razlozi, te zašto niste odgovorili na moje pitanje postavljeno u pismenoj formi 21.9.2017., a koje je glasilo – Da li je na zajedničkoj sjednici Vijeća ministara BiH i Vlade Republike Hrvatske, koja je održana u Sarajevu 7.7.2017., kao tačka dnevnog reda razmatrana namjera Republike Hrvatske da izgradi skladište ili odlagalište radioaktivnog i nuklearnog otpada na lokaciji Trgovske gore, mikrolokacija Čerkezovac u općini Dvor u Republici Hrvatskoj, te šta je dogovoreno ili zaključeno u vezi s protivljenjem Bosne i Hercegovine konkretnim postupcima koje vodi Državni zavod za radiološku i nuklearnu sigurnost Republike Hrvatske, a radi izrade Strateške studije za Nacionalni program provođenja Strategije zbrinjavanja radioaktivnog otpada, iskorištenih izvora i istrošenog nuklearnog goriva?“⁴

- **Predsjedavajući Vijeća ministara BiH Denis Zvizdić dao je usmeni odgovor. Poslanik Jasmin Emrić komentirao je dati odgovor.**

Sadik Ahmetović

Pitanje upućeno ministru sigurnosti BiH: „Posljednjih dana bh. javnost je uznemirena informacijama o djelovanju paravojnih formacija na prostoru BiH „Srbska čast“ i „Noćni vukovi“. Molim da mi se odgovori o kakvim se formacijama radi, da li su to humanitarne ili paravojne formacije, na kojem prostoru djeluju i koliko ugrožavaju sigurnost ili su prijetnja sigurnosti u BiH?“

- **Ministar sigurnosti BiH Dragan Mektić dao je usmeni odgovor.**

Mirsad Isaković

Pitanje upućeno predsjedavajućem Vijeća ministara BiH: „S obzirom na to da je u posljednje vrijeme u ZE-DO kantonu, a konkretno u Zenici, učestala pojava ozbiljnih štrajkova, pa i sukobljavanja s policijom. Možete li nam dati jasniju informaciju o navedenim događajima, te koje ćete mjere preduzeti da se privredna te socijalna situacija u Zenici riješi?“

- **Predsjedavajući Vijeća ministara BiH Denis Zvizdić dao je usmeni odgovor. Poslanik Mirsad Isaković komentirao je odgovor, koji je zatražio u pisanoj formi.**

Senad Šepić

Pitanje upućeno predsjedavajućem Vijeća ministara BiH: „Šta je Vijeće ministara BiH do sada konkretno uradilo na realizaciji ranijih poslaničkih inicijativa i prijedloga izmjena zakona kojima bi se popravio aktuelni status, ispravila nepravda i povećale plaće vojnicima u Oružanim snagama BiH?“

- **Ministrica odbrane BiH Marina Pendeš dala je usmeni odgovor. Poslanik Senad Šepić komentirao je dati odgovor.**

⁴ Izvod iz neautoriziranog transkripta 56. sjednice Predstavničkog doma Parlamentarne skupštine BiH

U vezi sa izmjenama i dopunama dnevnog reda sjednice, predsjedavajuća Borjana Krišto napomenula je sljedeće:

S dnevnog reda, na zahtjev Ustavnopravne komisije, skinute su:

Tačka 6. - Prijedlog zakona o izmjenama i dopunama Izbornog zakona Bosne i Hercegovine, predlagач: poslanici Salko Sokolović, Senad Šepić i Sadik Ahmetović, broj: 01-02-1-2400/17, od 9. 10. 2017. (drugo čitanje),

Tačka 10. - Prijedlog zakona o izmjeni Zakona o državnoj službi u institucijama Bosne i Hercegovine, predlagач: poslanici Salko Sokolović, Senad Šepić i Sadik Ahmetović, zakon broj: 01-02-1-2884/17 od 14. 12. 2017. (prvo čitanje) i

Tačka 19. - Razmatranje poslaničke inicijative Denisa Bećirovića, podnesene 14. 12. 2017., koja glasi: „Na osnovu člana 8. Poslovnika Predstavničkog doma Parlamentarne skupštine BiH ('Službeni glasnik BiH', br. 79/14, 81/15 i 97/15), podnosim poslaničku inicijativu kojom Predstavnički dom Parlamentarne skupštine BiH poziva nadležna tijela Hercegovačko-neretvanskog kantona, Kantona 10, Srednjobosanskog kantona, Zapadnohercegovačkog kantona i Posavskog kantona da najkasnije u roku od 30 dana od dana usvajanja ove inicijative u Predstavničkom domu Parlamentarne skupštine BiH izmijene i dopune ustave navedenih kantona s ciljem osiguranja ustavne ravnopravnosti Srba, kao i da se ustavima kantona, u kojima to do sada nije učinjeno, precizira i osigura ustavna ravnopravnost bosanskog i srpskog jezika, te latinice i ćirilice“, broj: 01-50-1-15-54/17, veza broj: 01-50-1-2891/17.

U skladu s obavještenjem Komisije za vanjsku trgovinu i carine, skinuta je

Tačka 20. - Razmatranje poslaničke inicijative Denisa Bećirovića, podnesene 19. 12. 2017., koja glasi: „Na osnovu člana 8. Poslovnika Predstavničkog doma Parlamentarne skupštine BiH ('Službeni glasnik BiH', br. 79/14, 81/15 i 97/15), podnosim poslaničku inicijativu kojom se zadužuje Kolegij Predstavničkog doma Parlamentarne skupštine BiH da, u saradnji s Vijećem ministara BiH i najkasnije u roku od sedam dana od dana podnošenja ove inicijative u Predstavničkom domu Parlamentarne skupštine BiH, sazove sjednicu Predstavničkog doma Parlamentarne skupštine BiH na kojoj bi se razmatrao i usvojio Strateški plan ruralnog razvoja Bosne i Hercegovine“, broj: 01-50-1-2920/17.

U dnevni red **dodate su** tačke:

15. Prijedlog odluke o imenovanju članova Vijeća nacionalnih manjina BiH, predlagач: Zajednička komisija za ljudska prava, broj: 03/6-34-1-255/18, od 24. 1. 2018., i
27. Davanje saglasnosti za ratifikaciju Nota sporazuma o donaciji opreme za sigurnosne provjere između Vijeća ministara BiH i Vlade Narodne Republike Kine, akt broj: 01,02-05-2-212/18, od 18. 1. 2018.

U skladu sa zahtjevom Ustavnopravne komisije, dopunjena je **tačka 7.** koja sada glasi: Izjašnjavanje Predstavničkog doma o utvrđivanju novog roka za dostavu mišljenja o Prijedlogu zakona o sprečavanju sukoba interesa u institucijama Bosne i Hercegovine, predlagač: poslanici Borislav Bojić, Hazim Rančić, Jasmin Emrić, Diana Zelenika, Damir Arnaut, Saša Magazinović, Senad Šepić i Maja Gasal-Vražalica, zakon broj: 01-02-1-2573/17, od 31. 10. 2017. (prvo čitanje).

Nakon uvodnih napomena, predsjedavajuća je otvorila raspravu o dnevnom redu. U raspravi su učestvovali: Aleksandra Pandurević, Denis Bećirović, Sadik Ahmetović, Mirsad Đonlagić.

Aleksandra Pandurević, u ime Kluba SDS-a, predložila je dopunu dnevnog reda zaključkom koji glasi:

„Zadužuje se Ministarstvo civilnih poslova BiH da Predstavničkom domu PSBiH, u roku od 15 dana, dostavi informaciju o svim pokušajima nabavke (javnim nabavkama) pasoških knjižica u periodu od 2015. godine do danas, s rješenjima Komisije za razmatranje žalbi za svaku od nabavki i eventualnim presudama Suda BiH.“

Denis Bećirović predložio je dopunu dnevnog reda tačkom: Razmatranje poslaničke inicijative o strategiji prevencije masovnih zločina i genocida u Bosni i Hercegovini. Također, rekao je da je saglasan i s varijantom da Kolegij Doma na svojoj prvoj narednoj sjednici raspravlja o ovoj inicijativi i uputi je u redovnu proceduru, te je rekao da će je predlagati svaki mjesec, ako se ne usvoji nijedan od ova dva prijedloga.

Sadik Ahmetović predložio je dopunu dnevnog reda tačkom koja glasi: Informacija predsjedavajućeg Vijeća ministara BiH o odgovorima na Upitnike EU s akcentom na odgovor na pitanja koja se odnose na popis stanovništva.

Mirsad Đonlagić predložio je dopunu dnevnog reda sljedećim prijedlogom: Potrebno je odati priznanje Jasminku Haliloviću zbog uvrštavanja na Forbsovu listu najuspješnijih mladih ljudi te da Vijeće ministara BiH organizira prijem tim povodom.

Predsjedavajuća je dala na glasanje prijedloge za dopunu dnevnog reda, redoslijedom predlaganja:

- Prijedlog **Aleksandre Pandurević** za dopunu dnevnog reda **usvojen je** s 30 glasova „za“ (iz Federacije BiH 20, iz Republike Srpske deset), četiri “protiv” i četiri glasa “suzdržan”.
- Prijedlog **Denisa Bećirovića** za dopunu dnevnog reda, u prvom krugu glasanja dobio je 23 glasa „za“ (iz Federacije BiH 22, iz Republike Srpske jedan), 13 “protiv” i dva glasa “suzdržan”. Predsjedavajuća je konstatala da prijedlog nije dobio potrebnu entitetsku većinu. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 23 glasa „za“, 14 glasova „protiv“ (iz Federacije BiH tri, iz Republike Srpske 11) i jednim glasom „suzdržan“, Dom **nije usvojio** prijedlog za dopunu dnevnog reda.
- Prijedlog **Sadika Ahmetovića** za dopunu dnevnog reda **nije usvojen** sa 16 glasova „za“ (iz Federacije BiH 15, iz Republike Srpske jedan), 20 “protiv” i dva glasa “suzdržan”.

- Prijedlog **Mirsada Đonlagića** za dopunu dnevnog reda **usvojen je** s 27 glasova „za“ (iz Federacije BiH 21, iz Republike Srpske šest), jednim „protiv“ i deset glasova „suzdržan“.

Predsjedavajuća je konstatirala da 56. sjednica Predstavničkog doma ima sljedeći

DNEVNI RED

1. Usvajanje zapisnika 53. i 54. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Potvrđivanje imenovanja zamjenika ministra u Vijeću ministara Bosne i Hercegovine, akt broj: 01/7-34-3-187/18, od 16.1.2018.;
4. Prijedlog zakona o izmjeni Zakona o plaćama i naknadama u institucijama Bosne i Hercegovine, predlagač: poslanik Borislav Bojić, zakon broj: 01-02-1-2209/17, od 13.9.2017. (drugo čitanje);
5. Prijedlog zakona o izmjenama i dopunama Zakona o zrakoplovstvu Bosne i Hercegovine, predlagač: poslanica Aleksandra Pandurević, broj: 01-02-1-2397/17, od 9.10.2017. (drugo čitanje);
6. Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, predlagač: Vijeće ministara BiH, broj: 01,02-02-1-2338/17, od 29.9.2017., s Mišljenjem Komisije za finansije i budžet;
7. Izjašnjavanje Predstavničkog doma o utvrđivanju novog roka za dostavljanje mišljenja o Prijedlogu zakona o sprečavanju sukoba interesa u institucijama Bosne i Hercegovine, predlagači: poslanici Borislav Bojić, Hazim Rančić, Jasmin Emrić, Diana Zelenika, Damir Arnaut, Saša Magazinović, Senad Šepić i Maja Gasal-Vražalica, zakon broj: 01-02-1-2573/17, od 31.10.2017. (prvo čitanje);
8. Prijedlog zakona o izmjeni i dopunama Zakona o nezavisnim i nadzornim tijelima policijske strukture Bosne i Hercegovine, predlagač: Vijeće ministara BiH, zakon broj: 01,02-02-1-1752-4/17, od 14.11.2017., s Mišljenjem Zajedničke komisije za odbranu i sigurnost BiH;
9. Prijedlog zakona o dopunama Zakona o komunikacijama, predlagač: Vijeće ministara BiH, broj: 01,02-02-1-2759/17, od 22.12.2017. (prvo čitanje), skraćeni postupak;
10. Izvještaj Zajedničke komisije oba doma za postizanje identičnog teksta Zakona o izmjeni i dopunama Zakona o zaštiti i dobrobiti životinja (predlagač: poslanik Predrag Kožul, zakon broj: 01-02-1-814/17, od 23.3.2017.);
11. Izvještaj Zajedničke komisije oba doma za postizanje identičnog teksta Zakona o osnovama sigurnosti saobraćaja na putevima u Bosni i Hercegovini (predlagač: poslanik Momčilo Novaković, zakon broj: 01-02-1-1374/17, od 30.5.2017.);
12. Prijedlog strateškog plana ruralnog razvoja Bosne i Hercegovine (2018. – 2021.) – okvirni dokument, materijal Ministarstva vanjske trgovine i ekonomskih odnosa BiH, broj: 01,02-28-108-2/18, od 16.1.2018.;
13. Materijal Direkcije za evropske integracije BiH:

- a. Informacija o napretku u procesu ispunjavanja uslova Bosne i Hercegovine na evropskom putu,
- b. Izvještaj o realiziranju Akcionog plana za realizaciju prioriteta iz Izvještaja o Bosni i Hercegovini za 2016. godinu za period januar – juni 2017., materijal broj: 01-05-940-9/17, od 15.12.2017. (realizacija poslaničkih inicijativa usvojenih na 16. sjednici Predstavničkog doma Parlamentarne skupštine BiH, održanoj 27.8.2015., i na 19. sjednici Predstavničkog doma Parlamentarne skupštine BiH, održanoj 28.10.2015.);
14. Izvještaj o izvršenoj reviziji učinka o temi: „Pravovremenost postupaka javnih nabavki u institucijama BiH“, podnosilac: Ured za reviziju institucija BiH, broj: 01,01/4-16-1-2870/17, od 12.12.2017.;
15. Prijedlog odluke o imenovanju članova Vijeća nacionalnih manjina BiH, predlagač: Zajednička komisija za ljudska prava, broj: 03/6-34-1-255/18, od 24.1.2018.;
16. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o parlamentarnom nadzoru (predlagač: Privremena zajednička komisija oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-02-1-1348/17, od 26.5.2017.);
17. Godišnji plan obuke i vježbi pripadnika i jedinica Oružanih snaga Bosne i Hercegovine u inozemstvu za 2018. godinu, podnosilac: Ministarstvo odbrane BiH, broj: 03/1-03-2799/17, od 1.12.2017.;
18. Prijedlog zaključka: „Zadužuje se Ministarstvo civilnih poslova BiH da Predstavničkom domu PSBiH, u roku od 15 dana, dostavi informaciju o svim pokušajima nabavke (javnim nabavkama) pasoških knjižica u periodu od 2015. godine do danas, s rješenjima Komisije za razmatranje žalbi za svaku od nabavki i eventualnim presudama Suda BiH“, predlagač tačke: poslanica Aleksandra Pandurević, akt broj: 01-50-1-15-56/18, od 31.1.2018.;
19. Potrebno je odati priznanje Jasminku Haliloviću zbog uvrštavanja na Forbsovu listu najuspješnijih mladih ljudi i da Vijeće ministara BiH organizira prijem tim povodom, predlagač tačke: poslanik Mirsad Đonlagić, akt broj: 01-50-1-15-56/18, od 31.1.2018.;
20. Davanje saglasnosti za ratifikaciju Sporazuma o zajmu (Projekat jačanja bankarskog sektora) između Bosne i Hercegovine i Međunarodne banke za obnovu i razvoj, broj: 01,02-05-2-2851/17, od 8.12.2017.;
21. Davanje saglasnosti za ratifikaciju Sporazuma o finansiranju Državnog programa aktivnosti za Bosnu i Hercegovinu za 2016. godinu između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara BiH, broj: 01,02-05-2-2852/17, od 8.12.2017.;
22. Davanje saglasnosti za ratifikaciju Ugovora o dodjeli bespovratnih sredstava između Centralne izborne komisije Bosne i Hercegovine i Vijeća Evrope, broj: 01,02-05-2-2871/17, od 12.12.2017.;
23. Davanje saglasnosti za ratifikaciju Sporazuma o privredno-tehničkoj saradnji za bespovratnu pomoć između Vijeća ministara Bosne i Hercegovine i Vlade Narodne Republike Kine, akt broj: 01,02-05-2-2897/17, od 15.12.2017.;
24. Davanje saglasnosti za ratifikaciju Sporazuma o saradnji u oblasti turizma između Vijeća ministara Bosne i Hercegovine i Vlade Mađarske, akt broj: 01,02-05-2-2898/17, od 15.12.2017.;

25. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Armenije o ukidanju viza za nosioce diplomatskih pasoša, akt broj: 01,02-05-2-2899/17, od 15.12.2017.;
26. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Makedonije o uzajamnom priznavanju i zamjeni vozačkih dozvola, akt broj: 01,02-05-2-2919/17, od 19.12.2017.;
27. Davanje saglasnosti za ratifikaciju Sporazuma o zajmu i projektu između KfW-a, Frankurt na Majni (KfW), i Bosne i Hercegovine, koju predstavlja Ministarstvo finansija i trezora BiH (zajmoprimac), i Republike Srpske, koju predstavlja Ministarstvo finansija, i Elektroprivrede Republike Srpske (ERS) (agencija za realizaciju projekta) za iznos od 60.000.000,00 eura – *Vjetropark Hrgud*, akt broj: 01,02-05-2-2921/17, od 19.12.2017.;
28. Davanje saglasnosti za ratifikaciju Sporazuma o finansiranju za program Iterreg V - B Mediteran CCI 2014TC16M4TN001 između Evropske unije, koju predstavlja Evropska komisija, Bosne i Hercegovine, koju predstavlja Vijeće ministara BiH, i Provence-Alpes-Cote d'Azur, upravljačko tijelo transnacionalnog programa saradnje Interreg V - B Mediteran, akt broj: 01,02-05-2-2946/17, od 21.12.2017.;
29. Davanje saglasnosti za ratifikaciju Nota sporazuma o donaciji opreme za sigurnosne provjere između Vijeća ministara BiH i Vlade Narodne Republike Kine, akt broj: 01,02-05-2-212/18, od 18.1.2018.;
30. Razmatranje materijala sa oznakom „povjerljivo“, akt broj: P-POV-07-03-10-9-100/17, od 24.10.2017.

Ad.1. Usvajanje zapisnika 53. i 54. sjednice Predstavničkog doma Parlamentarne skupštine BiH

Predsjedavajuća je dala uvodne napomene i otvorila raspravu. Nije bilo prijavljenih.

Dom je jednoglasno, s 35 glasova „za“ (iz Federacije BiH 23, iz Republike Srpske 12), **usvojio** Zapisnik 53. sjednice Doma.

S 34 glasa „za“ (iz Federacije BiH 23, iz Republike Srpske 11), bez glasova „protiv“ i jednim glasom „suzdržan“, Dom je **usvojio** Zapisnik 54. sjednice Doma.

Ad.2. Komentari na dobivene odgovore na poslanička pitanja

Predsjedavajuća je podsjetila na to da su, u skladu s članom 170. Poslovnika, do ove sjednice Doma inicijative i pitanja u pisanoj formi dostavili poslanici:

- **Nikola Lovrinović** – postavio pitanja gradonačelniku Sarajeva, gradonačelniku Tuzle i federalnoj ministrici finansija;
- **Hanka Vajzović** – postavila dva pitanja Upravi za indirektno oporezivanje BiH;
- **Šemsudin Mehmedović** – postavio pitanje predsjedavajućem Vijeća ministara BiH i v.d. generalnog sekretara Vijeća ministara BiH;
- **Damir Arnaut** – postavio tri pitanja ministru finansija i trezora BiH;
- **Amir Fazlić** – postavio pitanje predsjedavajućem Vijeća ministara BiH i direktoru Uprave za indirektno oporezivanje BiH;

- **Mirsad Đonlagić** – postavio pitanje predsjedavajućem Vijeća ministara BiH

Sadržaj postavljenih pitanja je sljedeći:

Nikola Lovrinović

Pitanje upućeno gradonačelniku Sarajeva:

1. „Kakav je nacionalni sastav zaposlenika u gradskoj administraciji Grada Sarajeva, a kakav u općinama koje čine Grad Sarajevo?“

Pitanje upućeno gradonačelniku Tuzle:

1. „Kakav je nacionalni sastav zaposlenika u gradskoj administraciji Grada Tuzle, a kakav u općinama koje čine Grad Tuzlu?“

Pitanje upućeno Federalnom ministarstvu finansija

1. „Koliko je ukupno novca iz budžeta Federacije BiH po različitim osnovama transferirano preduzeću Krivaja Zavidovići od 2000. godine do danas?
Koliko je u istom periodu iz budžeta Federacije BiH transferirano različitim firmama u Tuzlanskom kantonu ili Vladi Tuzlanskog kantona?
Koliko je u istom periodu iz budžeta Federacije BiH transferirano Srednjobosanskom kantonu?“

Hanka Vajzović

Pitanje upućeno Upravi za indirektno oporezivanje BiH:

1. „Zašto se prilikom plaćanja komunalnih usluga (struja, voda, odvoz smeća, telefon, RTV taksa, kablovska, održavanje objekata zajedničkog stanovanja i sl.) uz račune koji inače podliježu naplati PDV-a, ne izdaju fiskalni računi (i to, koliko mi je poznato, na području čitave BiH), pogotovo što se i za puno sitnije iznose fiskalni računi moraju izdavati?“
2. Zašto račune za komunalne usluge građani ne mogu plaćati bankovnim karticama?“

Šemsudin Mehmedović

Pitanje upućeno predsjedavajućem Vijeća ministara BiH i v.d. generalnog sekretara Vijeća ministara BiH:

1. „Molim da mi se dostavi podatak o poimeničnoj nacionalnoj strukturi svih zaposlenih u Generalnom sekretarijatu Vijeća ministara BiH, uz naznaku funkcije, odnosno pozicije svih zaposlenih koju obavljaju.
Podatak treba biti sačinjen i dostavljen u tabelarnom prikazu i to sa stanjem zaposlenih u Generalnom sekretarijatu Vijeća ministara BiH zatečenim u radnom odnosu na dan 30.1.2018. godine, kao i ukupan broj zaposlenih i nacionalni omjer izražen u procentima.“

Damir Arnaut

Pitanje upućeno ministru finansija i trezora BiH:

1. „Koji je ukupan iznos koji je u 2015., 2016., te u 2017. godini isplaćen iz budžeta institucija BiH na ime naknada za rad u upravnim odborima, nadzornim odborima, komisijama, te svim drugim radnim tijelima? Molim da podatke dostavite poredano tabelarno, po svakoj godini pojedinačno.“

2. Pored tog ukupnog iznosa, molim Vas za informaciju o pojedinačnom utrošku za navedene potrebe klasificirano po svakoj pojedinačnoj instituciji BiH, također poredano tabelarno po svakoj godini pojedinačno.
3. S obzirom na to da su usvajanjem Zakona o dopunama Zakona o plaćama i naknadama u institucijama BiH ('Službeni glasnik BiH', broj 88/15), čiji sam bio predlagač, ukinute ili značajno ograničene naknade za rad u upravnim odborima, nadzornim odborima, komisijama, te svim drugim radnim tijelima, a što je rezultiralo značajnim budžetskim uštedama počev od decembra 2015. godine, molim da mi dostavite detaljne i konkretne podatke kako su uštedena sredstva iskorištena u budžetu institucija BiH u 2017. i u 2018. godini (koji budžetski korisnici su uštedena sredstva dobili i za koje stavke)?“

Amir Fazlić

Pitanja upućena predsjedavajućem Vijeća ministara BiH i direktoru Uprave za indirektno oporezivanje BiH: „Prema Agenciji za statistiku BiH, uvoz iz Srbije i Hrvatske u 2016. godini iznosio je 3.422,83 milijarde KM ili 1.938,06 milijardi američkih dolara, dok je prema podacima Svjetske banke, uvoz u BiH iz ove dvije države iznosio 2.479,19 milijardi američkih dolara, iz čega proizlazi da je, prema podacima Svjetske banke, u BiH uvezeno 541,14 milion američkih dolara, odnosno 919,93 miliona KM više nego što je to prikazano u zvaničnim statistikama, a što se vidi iz navedene tabele (tabela u prilogu).

Shodno navedenim podacima, molim Vas da mi dostavite obrazloženje navedenih informacija, odnosno potpunu informaciju o uzrocima i razlozima odstupanja, a naročito da utvrdite da li je razlika vrijednosti uvoza od 541,14 miliona američkih dolara, odnosno protuvrijednost od 919,93 miliona KM prošla carinski nadzor, te da li je vrijednost uvoza u BiH koji je prikazala Svjetska banka prošao carinski nadzor i da li je na ovaj uvoz plaćena carina, odnosno PDV prilikom uvoza.

Također, molim informaciju o tome da li UIO vrši analizu i poređenje podataka o uvozu u BiH po državama izvoznicama s podacima bh. carine i da li ima odstupanja u prikazivanju podataka? Ako pravite analizu i ako ste utvrdili odstupanje u vrijednostima, molim Vas da mi dostavite informaciju o tome s kojim se državama to događa, u kojim vrijednostima i koje ste sve mjere i aktivnosti preuzeli na otklanjanju takvog stanja?“

Mirsad Đonlagić

Pitanja upućena predsjedavajućem Vijeća ministara BiH:

„Prema statistikama, odnosno procjenama stručnjaka, u BiH je tokom prošle godine umrlo 265 osoba zbog pretjeranog zagađenja zraka. S obzirom na to da su Sarajevo, Zenica i Tuzla ti gradovi u kojima je zrak najzagađeniji, pitam Vas da li imate namjeru u tom smislu preduzeti neke aktivnosti koje bi dovele do smanjenja zagađenosti i poboljšanja ekoloških uslova za smanjenje stepena zagađenosti zraka ne samo u ova tri spomenuta grada nego i u ostalim gradovima u BiH?“

Na sjednici Senad Šepić podnio je pet inicijativa, od toga četiri Vijeću ministara BiH i jednu Ministarstvu civilnih poslova BiH. Sadržaj inicijativa je sljedeći:

Inicijative upućene Vijeću ministara BiH:

- „Predlažem da Vijeće ministara BiH usvoji i u Parlament uputi Prijedlog zakona o zabrani korištenja govora mržnje u medijima i na portalima u BiH. Rok je 60 dana“
- „Predlažem da Vijeće ministara BiH usvoji i u Parlament uputi Zakon o online medijima u BiH. Rok je 60 dana.“
- „Predlažem da Vijeće ministara BiH izradi i usvoji, te u Parlament uputi, a najkasnije u roku od 60 dana, Zakon o vlasništvu nad medijima.“
- „Predlažem da Vijeće ministara BiH pripremi i usvoji informaciju o razlozima nazadovanja Bosne i Hercegovine na indeksu slobode medija koji rade reporteri bez granica, uz prijedlog mjera za poboljšanje ove oblasti. Rok je 60 dana.“

Inicijativa upućena Ministarstvu komunikacija i prometa BiH:

„Ministarstvu komunikacija i prometa BiH predlažem da hitno izradi Plan prioriteta u zemljama u kojima žive građani BiH i pokrene proceduru usaglašavanja sporazuma o priznavanju i zamjeni vozačkih dozvola. Posebnu pažnju obratiti na završetak posla s Italijom, Njemačkom, Austrijom i Slovenijom koje će se obavezno tretirati kao prioriteti. Molim za popratnu informaciju u roku od 30 dana.“

Predsjedavajuća je rekla da su do današnje sjednice dostavljeni sljedeći odgovori na poslanička pitanja:

- na pitanja **poslanika Saše Magazinovića**, postavljena u pisanoj formi na 53. i 54. sjednici, odgovore je dostavilo Vijeće ministara BiH;
- na pitanja **poslanika Damira Arnauta**, postavljena u pisanoj formi na 51., 53. i 54. sjednici, odgovore je dostavilo Vijeće ministara BiH;
- na pitanja **poslanika Senada Šepića**, postavljena u pisanoj formi na 53. i u pripremi 55. sjednice, odgovore je dostavilo Vijeće ministara BiH, te na pitanje postavljeno u pripremi 55. sjednice, odgovor je dostavila Vlada Federacije BiH;
- na pitanja **poslanika Mirsada Donlagića**, postavljena u pisanoj formi na 54. sjednici, odgovore su dostavili Vijeće ministara BiH i Ministarstvo komunikacija i prometa BiH;
- na pitanje **poslanika Sadika Ahmetovića**, postavljeno u pisanoj formi na 54. sjednici, odgovor je dostavilo Vijeće ministara BiH;
- na pitanje **poslanice Maje Gasal-Vražalice**, postavljeno u pisanoj formi na 54. sjednici, odgovor je dostavila Vlada Federacije BiH;
- na pitanje **poslanice Dušanke Majkić**, postavljeno u usmenoj formi na 54. sjednici, odgovor je dostavilo Vijeće ministara BiH;
- na pitanje **poslanika Borislava Bojića**, postavljeno u usmenoj formi na 54. sjednici, odgovor je dostavilo Vijeće ministara BiH;
- na pitanje **poslanice Nermine Kapetanović**, postavljeno u usmenoj formi na 48. sjednici, odgovor je dostavilo Vijeće ministara BiH;

- na pitanje **poslanice Mensure Beganović**, postavljeno u usmenoj formi na 54. sjednici, odgovor je dostavilo Vijeće ministara BiH,
- na pitanje **poslanika Jasmina Emrića**, postavljeno u pisanoj formi na 54. sjednici, odgovor dostavile Željeznice Federacije BiH,
- na pitanje **poslanika Safera Demirovića**, postavljeno u pisanoj formi na 54. sjednici, odgovor dostavilo Ministarstvo komunikacija i prometa BiH.

Dostavljene odgovore komentirali su poslanici: Senad Šepić, Jasmin Emrić, Mensura Beganović, Saša Magazinović, Damir Arnaut i Mirsad Donlagić.

Senad Šepić rekao je da je zadovoljan odgovorom Vijeća ministara BiH na pitanje o priznavanju bh. vozačkih dozvola u regiji i zemljama EU, s primjedbom da bi sporazum sa Slovenijom koji je u proceduri trebalo sa srednjeg prioriteta prebaciti u visoki prioritet.

Jasmin Emrić djelimično je zadovoljan odgovorom dobivenim od Željeznica Federacije BiH.

Mensura Beganović kratko je komentirala odgovor od Ministarstva sigurnosti BiH. Smatra da institucije koje su dostavile odgovore nisu nadležne za njeno pitanje (krađa motornih vozila), te da je bespredmetno komentirati odgovor kada ministar sigurnosti BiH nije prisutan. Rekla je da će postaviti dopunsko poslaničko pitanje u pisanoj formi.

Saša Magazinović izrazio je nezadovoljstvo jer odgovor koji je dobio od Ministarstva vanjskih poslova BiH o članstvu BiH u međunarodnim organizacijama ne može pročitati zbog tehničke greške do koje je došlo prilikom njegovog kopiranja.

Damir Arnaut rekao je da je nezadovoljan odgovorom Ministarstva vanjskih poslova BiH, u kojem se očituje nedostatak odgovornosti prema PSBiH. Što se tiče odgovora Ministarstva pravde BiH, izrazio je zadovoljstvo dobivenim odgovorom. Odgovorom Ministarstva civilnih poslova BiH na pitanja o međunarodnom pravu mora nije zadovoljan jer je Ministarstvo navelo da nemaju zaposlenih koji bi se bavili navedenim pitanjem.

Mirsad Donlagić komentirao je odgovore na pitanja o radnom vremenu Aerodroma Sarajevo i postupku Košarkaškog saveza BiH po pitanju (ne)prijenosa utakmice reprezentacije BiH. Zadovoljan je dobivenim odgovorom, ali ne i činjeničnim stanjem kada su u pitanju prava prijenosa / emitiranja utakmica.

Ad.3. Potvrđivanje imenovanja zamjenika ministra u Vijeću ministara Bosne i Hercegovine, akt broj: 01/7-34-3-187/18, od 16.1.2018.

Predsjedavajuća je u uvodnim napomenama podsjetila na to da je Komisija za pripremu izbora Vijeća ministara BiH održala sjednicu, razmotrila sve raspoložive informacije u vezi s imenovanjem zamjenika ministra, te je Predstavničkom domu dala preporuku za potvrđivanje Gorana Ćosića za zamjenika ministra civilnih poslova BiH.

Predsjedavajući Vijeća ministara BiH Denis Zvizdić je, u skladu s članom 152. stav (4) Poslovnika, pročitao Odluku o imenovanju zamjenika ministra u Vijeću ministara BiH.

Zatim je predsjedavajuća Doma otvorila raspravu. Diskutirao je Asim Sarajlić, u ime Komisije za pripremu izbora Vijeća ministara BiH.

Predsjedavajuća je, u skladu s članom 156. stav (5) Poslovnika, odmah dala na glasanje potvrđivanje imenovanja zamjenika ministra civilnih poslova u Vijeću ministara BiH. Dom je, s 23 glasa "za" (iz Federacije BiH 17, iz Republike Srpske šest), četiri "protiv" i 11 glasova "suzdržan", **potvrdio imenovanje Gorana Ćosića** za zamjenika ministra civilnih poslova u Vijeću ministara BiH.

Ad.4. Prijedlog zakona o izmjeni Zakona o plaćama i naknadama u institucijama Bosne i Hercegovine, predlažać: poslanik Borislav Bojić, zakon broj: 01-02-1-2209/17, od 13.9.2017. (drugo čitanje)

Nakon uvodnih napomena, predsjedavajuća je otvorila raspravu. Nije bilo prijavljenih.

S 23 glasa "za" (iz Federacije BiH 16, iz Republike Srpske sedam), devet "protiv" i tri glasa "suzdržan", Dom je **usvojio u drugom čitanju** Prijedlog zakona o izmjeni Zakona o plaćama i naknadama u institucijama Bosne i Hercegovine.

Ad.5. Prijedlog zakona o izmjenama i dopunama Zakona o zrakoplovstvu Bosne i Hercegovine, predlažać: poslanica Aleksandra Pandurević, broj: 01-02-1-2397/17, od 9.10.2017. (drugo čitanje)

Nakon uvodnih napomena, predsjedavajuća je otvorila raspravu. Nije bilo prijavljenih.

S 22 glasa "za" (iz Federacije BiH 16, iz Republike Srpske šest), osam "protiv" i pet glasova "suzdržan", Dom je **usvojio u drugom čitanju** Prijedlog zakona o izmjenama i dopunama Zakona o zrakoplovstvu Bosne i Hercegovine, s amandmanima koji glase:

Amandman I.

U članu 1. Prijedloga zakona o izmjenama i dopunama Zakona o zrakoplovstvu Bosne i Hercegovine briše se tekst:

„Stav (4) mijenja se i glasi: Generalni direktor i njegovi zamjenici odgovorni su Vijeću ministara Bosne i Hercegovine (u daljnjem tekstu: Vijeće ministara).“

Amandman II.

Član 2. Prijedloga zakona briše se.

Dosadašnji čl. 3., 4. i 5. postaju čl. 2., 3. i 4.

Amandman III.

Dosadašnji član 3. Prijedloga zakona, koji je postao član 2., mijenja se i glasi:

“Član 2.

Iza člana 135. (Osoblje) dodaje se novi član 135a. koji glasi:

Član 135a.

(Zatečeni rukovodeći državni službenici)

- (1) U roku od 30 dana od dana stupanja na snagu ovog zakona, Vijeće ministara raspisuje javni oglas za radna mjesta generalnog direktora i zamjenika generalnog direktora BHDCA.
- (2) Lica koja se do dana stupanja na snagu ovog zakona, u statusu državnih službenika, nalaze na radnim mjestima generalnog direktora i zamjenika generalnog direktora ostaju na tim radnim mjestima, s pravima, obavezama i ovlaštenjima koja imaju, do okončanja postupka iz stava (1) ovog člana.
- (3) Ukoliko lica iz stava (2), a u postupku iz stava (1) ovog člana, ne budu imenovana za generalnog direktora ili zamjenika generalnog direktora, njihov radnopravni status rješava se u skladu sa Zakonom o državnoj službi u institucijama Bosne i Hercegovine.“

Ad.6. Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, predlaže: Vijeće ministara BiH, broj: 01,02-02-1-2338/17, od 29.9.2017., s Mišljenjem Komisije za finansije i budžet

Nakon uvodnih napomena, predsjedavajuća je otvorila raspravu. Diskutirao je Salko Sokolović.

Dom, sa 16 glasova “za” (iz Federacije BiH pet, iz Republike Srpske 11), 16 “protiv” i tri glasa “suzdržan”, **nije usvojio** negativno mišljenje Komisije za finansije i budžet, čime se **zakonodavni postupak obustavlja**, u skladu s članom 113. stav (4) Poslovnika Predstavničkog doma.

Ad.7. Izjašnjavanje Predstavničkog doma o utvrđivanju novog roka za dostavljanje mišljenja o Prijedlogu zakona o sprečavanju sukoba interesa u institucijama Bosne i Hercegovine, predlaže: poslanici Borislav Bojić, Hazim Rančić, Jasmin Emrić, Diana Zelenika, Damir Arnaut, Saša Magazinović, Senad Šepić i Maja Gasal-Vražalica, zakon broj: 01-02-1-2573/17, od 31.10.2017. (prvo čitanje)

Nakon uvodnih napomena, predsjedavajuća je otvorila raspravu. Nije bilo prijavljenih.

Dom se najprije izjašnjavao o zaključku iz Mišljenja Ustavnopravne komisije. S 29 glasova “za” (iz Federacije BiH 23, iz Republike Srpske šest), bez glasova “protiv” i šest glasova “suzdržan”, Dom je usvojio zaključak koji glasi: „**Predstavnički dom traži od Vijeća**

ministara BiH, Centralne izborne komisije BiH i Agencije za prevenciju korupcije i koordinaciju borbe protiv korupcije BiH da dostave mišljenja o navedenom prijedlogu zakona.“

Zatim je Dom, s 30 glasova “za” (iz Federacije BiH 23, iz Republike Srpske sedam), bez glasova “protiv” i pet glasova “suzdržan”, **utvrdio novi rok** za dostavljanje mišljenja Ustavnopravne komisije o Prijedlogu zakona o sprečavanju sukoba interesa u institucijama Bosne i Hercegovine – dok Vijeće ministara BiH, Centralna izborna komisija BiH i Agencija za sprečavanje korupcije i borbu protiv korupcije BiH ne dostave svoja mišljenja.

Ad.8. Prijedlog zakona o izmjeni i dopunama Zakona o nezavisnim i nadzornim tijelima policijske strukture Bosne i Hercegovine, predlagач: Vijeće ministara BiH, zakon broj: 01,02-02-1-1752-4/17, od 14.11.2017., s Mišljenjem Zajedničke komisije za odbranu i sigurnost BiH

Nakon uvodnih napomena, predsjedavajuća je otvorila raspravu. Nije bilo prijavljenih.

Dom, s 12 glasova “za” (iz Federacije BiH šest, iz Republike Srpske šest), 19 glasova “protiv” i četiri glasa “suzdržan”, **nije usvojio** negativno mišljenje Zajedničke komisije za odbranu i sigurnost BiH o Prijedlogu zakona o izmjeni i dopunama Zakona o nezavisnim i nadzornim tijelima policijske strukture Bosne i Hercegovine, te je Komisija zadužena da dostavi novo mišljenje.

Ad.9. Prijedlog zakona o dopunama Zakona o komunikacijama, predlagач: Vijeće ministara BiH, broj: 01,02-02-1-2759/17, od 22.12.2017. (prvo čitanje), skraćeni postupak

Nakon uvodnih napomena, predsjedavajuća je otvorila raspravu. U raspravi su učestvovali: Dušanka Majkić, Momčilo Novaković, Saša Magazinović, Aleksandra Pandurević, Zaim Backović, Lazar Prodanović, Mladen Bosić, Salko Sokolović, Damir Arnaut i Nikola Lovrinović.

S 24 glasa “za” (iz Federacije BiH 18, iz Republike Srpske šest), pet glasova “protiv” i šest “suzdržan”, Dom je **usvojio** u prvom čitanju Prijedlog zakona o dopunama Zakona o komunikacijama.

Ad.10. Izvještaj Zajedničke komisije oba doma za postizanje identičnog teksta Zakona o izmjeni i dopunama Zakona o zaštiti i dobrobiti životinja (predlagач: poslanik Predrag Kožul, zakon broj: 01-02-1-814/17, od 23.3.2017.)

Predsjedavajuća je dala uvodne napomene i otvorila raspravu. U raspravi su učestvovali: Damir Arnaut, Predrag Kožul, Momčilo Novaković, Fehim Škaljić i Zaim Backović.

Nakon rasprave, Dom je, s 19 glasova “za” (iz Federacije BiH 13, iz Republike Srpske šest), pet glasova “protiv” i 11 “suzdržan”, **usvojio** Izvještaj Zajedničke komisije oba doma za postizanje identičnog teksta Zakona o izmjeni i dopunama Zakona o zaštiti i dobrobiti životinja.

Ad.11. Izvještaj Zajedničke komisije oba doma za postizanje identičnog teksta Zakona o osnovama sigurnosti saobraćaja na putevima u Bosni i Hercegovini (predlagač: poslanik Momčilo Novaković, zakon broj: 01-02-1-1374/17, od 30.5.2017.)

Nakon uvodnih napomena predsjedavajuće, nije bilo rasprave.

S 27 glasova “za” (iz Federacije BiH 19, iz Republike Srpske osam), bez glasova “protiv” i osam “suzdržan”, Dom je **usvojio** Izvještaj Zajedničke komisije oba doma za postizanje identičnog teksta Zakona o osnovama sigurnosti saobraćaja na putevima u Bosni i Hercegovini.

Ad.12. Prijedlog strateškog plana ruralnog razvoja Bosne i Hercegovine (2018. – 2021.) – okvirni dokument, materijal Ministarstva vanjske trgovine i ekonomskih odnosa BiH, broj: 01,02-28-108-2/18, od 16.1.2018.

Predsjedavajuća je dala uvodne napomene i otvorila raspravu. U raspravi su učestvovali: Nikola Lovrinović, Jasmin Emrić, Mirsad Isaković, Nermina Kapetanović, Mensura Beganović i Senad Šepić.

U raspravi je Nikola Lovrinović predložio usvajanje zaključaka. S 19 glasova “za” (iz Federacije BiH 13, iz Republike Srpske šest), 12 glasova “protiv” i četiri glasa “suzdržan”, Dom je usvojio zaključke koji glase:

1. *„Predstavnički dom Parlamentarne skupštine BiH traži od Vijeća ministara BiH da do 30. juna 2018. izvijesti Dom o učincima i dometima Strateškog plana ruralnog razvoja Bosne i Hercegovine (2018. – 2021.).*
2. *Zadužuje se Ministarstvo vanjske trgovine i ekonomskih odnosa BiH da u roku od 60 dana analizira diskusiju o temi 'Strateški plan ruralnog razvoja BiH (2018. - 2021.)' te informira Dom o potrebi dopune Strategije ili ponudi njenu dopunu.“*

Zatim je Dom, s 33 glasa “za” (iz Federacije BiH 23, iz Republike Srpske deset), bez glasova “protiv” i dva glasa “suzdržan”, **usvojio** Prijedlog strateškog plana ruralnog razvoja Bosne i Hercegovine (2018. – 2021.) – okvirni dokument.

Ad.13. Materijal Direkcije za evropske integracije BiH:

- a. Informacija o napretku u procesu ispunjavanja uslova Bosne i Hercegovine na evropskom putu
- b. Izvještaj o realiziranju Akcionog plana za realizaciju prioriteta iz Izvještaja o Bosni i Hercegovini za 2016. godinu za period januar – juni 2017., materijal broj: 01-05-940-9/17, od 15.12.2017. (realizacija poslaničkih inicijativa usvojenih na 16. sjednici Predstavničkog doma Parlamentarne skupštine BiH, održanoj 27.8.2015., i na 19. sjednici Predstavničkog doma Parlamentarne skupštine BiH, održanoj 28.10.2015.)

Predsjedavajuća je dala uvodne napomene i otvorila raspravu. Nije bilo prijavljenih.

Dom je, s 19 glasova “za” (iz Federacije BiH 14, iz Republike Srpske pet), sedam glasova “protiv” i devet glasova “suzdržan”, **primio k znanju** materijal Direkcije za evropske integracije BiH.

Ad.14. Izvještaj o izvršenoj reviziji učinka o temi: „Pravovremenost postupaka javnih nabavki u institucijama BiH“, podnosilac: Ured za reviziju institucija BiH, broj: 01,01/4-16-1-2870/17, od 12.12.2017.

Predsjedavajuća je dala uvodne napomene i otvorila raspravu. Nije bilo prijavljenih.

S 25 glasova “za” (iz Federacije BiH 19, iz Republike Srpske šest), bez glasova “protiv” i s deset glasova “suzdržan”, Dom je **usvojio** Izvještaj o izvršenoj reviziji učinka o temi: „Pravovremenost postupaka javnih nabavki u institucijama BiH“, sa zaključkom Komisije za finansije i budžet koji glasi: *„Predstavnički dom Parlamentarne skupštine BiH predlaže Uredu za reviziju institucija BiH da u narednom periodu izvrši reviziju učinka o temi: Nabavka pasoških knjižica u periodu od 2015. do 2018. godine.“*

Ad.15. Prijedlog odluke o imenovanju članova Vijeća nacionalnih manjina BiH, predlagač: Zajednička komisija za ljudska prava, broj: 03/6-34-1-255/18, od 24.1.2018.

Nakon uvodnih napomena predsjedavajuće, nije bilo rasprave.

S 30 glasova “za” (iz Federacije BiH 23, iz Republike Srpske sedam), pet glasova “protiv” i bez glasova “suzdržan”, Dom je **usvojio** Odluku o imenovanju članova Vijeća nacionalnih manjina BiH.

Ad.16. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o parlamentarnom nadzoru (predlagač: Privremena zajednička komisija oba doma Parlamentarne skupštine BiH za

pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-02-1-1348/17, od 26.5.2017.)

Predsjedavajuća je dala uvodne napomene i otvorila raspravu. Nije bilo prijavljenih.

Dom je, s 20 glasova “za” (iz Federacije BiH 15, iz Republike Srpske pet), pet glasova “protiv” i s deset glasova “suzdržan”, u Zajedničku komisiju oba doma za postizanje identičnog teksta Zakona o parlamentarnom nadzoru imenovao poslanike: Nerminu Kapetanović, Nikolu Lovrinovića i Jovana Vukovljaka.

Ad.17. Godišnji plan obuke i vježbi pripadnika i jedinica Oružanih snaga Bosne i Hercegovine u inozemstvu za 2018. godinu, podnosilac: Ministarstvo odbrane BiH, broj: 03/1-03-2799/17, od 1.12.2017.

Nakon uvodnih napomena predsjedavajuće, nije bilo rasprave.

S 28 glasova “za” (iz Federacije BiH 22, iz Republike Srpske šest), pet glasova “protiv” i dva glasa “suzdržan”, Dom je **primio k znanju** Godišnji plan obuke i vježbi pripadnika i jedinica Oružanih snaga Bosne i Hercegovine u inozemstvu za 2018. godinu.

Ad.18. Prijedlog zaključka: „Zadužuje se Ministarstvo civilnih poslova BiH da Predstavničkom domu PSBiH, u roku od 15 dana, dostavi informaciju o svim pokušajima nabavke (javnim nabavkama) pasoških knjižica u periodu od 2015. godine do danas, s rješenjima Komisije za razmatranje žalbi za svaku od nabavki i eventualnim presudama Suda BiH“, predlagatelj tačke: poslanica Aleksandra Pandurević, akt broj: 01-50-1-15-56/18, od 31.1.2018.

Nakon uvodnih napomena predsjedavajuće, nije bilo rasprave.

S 30 glasova “za” (iz Federacije BiH 18, iz Republike Srpske 12), četiri glasa “protiv” i jedan “suzdržan”, Dom je **usvojio** zaključak: *„Zadužuje se Ministarstvo civilnih poslova BiH da Predstavničkom domu PSBiH, u roku od 15 dana, dostavi informaciju o svim pokušajima nabavke (javnim nabavkama) pasoških knjižica u periodu od 2015. godine do danas, s rješenjima Komisije za razmatranje žalbi za svaku od nabavki i eventualnim presudama Suda BiH.“*

Ad.19. Potrebno je odati priznanje Jasminu Haliloviću zbog uvrštavanja na Forbsovu listu najuspješnijih mladih ljudi i da Vijeće ministara BiH organizira prijem tim povodom, predlagatelj tačke: poslanik Mirsad Đonlagić, akt broj: 01-50-1-15-56/18, od 31.1.2018.

Nakon uvodnih napomena predsjedavajuće, nije bilo rasprave.

S 28 glasova „za“ (iz Federacije BiH 21, iz Republike Srpske sedam), pet glasova „protiv“ i dva glasa „suzdržan“, Dom je **usvojio** prijedlog poslanika Mirsada Đonlagića koji glasi: *„Potrebno je odati priznanje Jasminku Haliloviću zbog uvrštavanja na Forbsovu listu najuspješnijih mladih ljudi te da Vijeće ministara BiH organizira prijem tim povodom.“*

Prije prelaska na sljedeću tačku dnevnog reda, predsjedavajuća je dala na glasanje prijedlog da se objedini rasprava o tačkama 20. – 29. dnevnog reda, s obzirom na to da je riječ o davanju saglasnosti za ratifikaciju ugovora, amandmana i sporazuma.

Prijedlog je **usvojen** s 23 glasa „za“ (iz Federacije BiH 12, iz Republike Srpske 11), dva glasa „protiv“ i 12 glasova „suzdržan“.

Ad.20. - 29.

Predsjedavajuća je dala uvodne napomene i otvorila raspravu. Senad Šepić predložio je usvajanje zaključka koji glasi: *„Predlažemo da se izjašnjavanje o tački 20. dnevnog reda (Davanje saglasnosti za ratifikaciju Sporazuma o zajmu (Projekat jačanja bankarskog sektora) između Bosne i Hercegovine i Međunarodne banke za obnovu i razvoj, broj: 01,02-05-2-2851/17, od 8.12.2017.) odgodi u skladu sa zaključcima Komisije za vanjske poslove, kako bi se u međuvremenu obavila rasprava s predstavnicima bankarskog sektora u BiH i korisnika bankarskih usluga, a posebno Udruženja 'Švicarac'.“*

Zaključak je **usvojen** s 27 glasova „za“ (iz Federacije BiH 21, iz Republike Srpske šest), sedam glasova „protiv“ i jednim glasom „suzdržan“.

Predsjedavajuća je predložila da se objedini glasanja o tačkama 21. – 29. dnevnog reda. Ovaj prijedlog prihvaćen je s 31 glasom „za“ (iz Federacije BiH 19, iz Republike Srpske 12), bez glasova „protiv“ i četiri glasa „suzdržan“.

Zatim je Dom, s 34 glasa „za“ (iz Federacije BiH 22, iz Republike Srpske 12), bez glasova „protiv“ i jednim glasom „suzdržan“, **dao saglasnost** za ratifikaciju:

- Sporazuma o finansiranju Državnog programa aktivnosti za Bosnu i Hercegovinu za 2016. godinu između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara BiH, broj: 01,02-05-2-2852/17, od 8.12.2017.;
- Ugovora o dodjeli bespovratnih sredstava između Centralne izborne komisije Bosne i Hercegovine i Vijeća Evrope, broj: 01,02-05-2-2871/17, od 12.12.2017.;
- Sporazuma o privredno-tehničkoj saradnji za bespovratnu pomoć između Vijeća ministara Bosne i Hercegovine i Vlade Narodne Republike Kine, akt broj: 01,02-05-2-2897/17, od 15.12.2017.;
- Sporazuma o saradnji u oblasti turizma između Vijeća ministara Bosne i Hercegovine i Vlade Mađarske, akt broj: 01,02-05-2-2898/17, od 15.12.2017.;

- Sporazuma između Vijeća ministara Bosne i Hercegovine i Vlade Republike Armenije o ukidanju viza za nosioce diplomatskih pasoša, akt broj: 01,02-05-2-2899/17, od 15.12.2017.;
- Sporazuma između Vijeća ministara Bosne i Hercegovine i Vlade Republike Makedonije o uzajamnom priznavanju i zamjeni vozačkih dozvola, akt broj: 01,02-05-2-2919/17, od 19.12.2017.;
- Sporazuma o zajmu i projektu između KfW-a, Frankurt na Majni (KfW), i Bosne i Hercegovine, koju predstavlja Ministarstvo finansija i trezora BiH (zajmoprimac), i Republike Srpske, koju predstavlja Ministarstvo finansija, i Elektroprivrede Republike Srpske (ERS) (agencija za realizaciju projekta) za iznos od 60.000.000,00 eura – *Vjetropark Hrgud*, akt broj: 01,02-05-2-2921/17, od 19.12.2017.;
- Sporazuma o finansiranju za program Iterreg V-B Mediteran CCI 2014TC16M4TN001 između Evropske unije, koju predstavlja Evropska komisija, Bosne i Hercegovine, koju predstavlja Vijeće ministara BiH, i Provance-Alpes-Cote d'Azur, upravljačko tijelo transnacionalnog programa saradnje Interreg V - B Mediteran, akt broj: 01,02-05-2-2946/17, od 21.12.2017.;
- Nota sporazuma o donaciji opreme za sigurnosne provjere između Vijeća ministara BiH i Vlade Narodne Republike Kine, akt broj: 01,02-05-2-212/18, od 18.1.2018.

Ad.30. Razmatranje materijala sa oznakom „povjerljivo“, akt broj: P-POV-07-03-10-9-100/17, od 24.10.2017.

Na dijelu sjednice zatvorenom za javnost, predsjedavajuća je dala uvodne napomene i otvorila raspravu. Nije bilo prijavljenih.

Dom je, s 25 glasova „za“ (iz Federacije BiH 19, iz Republike Srpske šest), četiri glasa „protiv“ i šest glasova „suzdržan“, **usvojio** materijal sa oznakom „povjerljivo“, akt broj: P-POV-07-03-10-9-100/17, od 24.10.2017.

Sjednica je završena u 22,40 sati.

Sastavni dio Zapisnika je transkript 56. sjednice Predstavničkog doma.

SEKRETAR
PREDSTAVNIČKOG DOMA

Marin Vukoja



PREDSJEDAVAJUĆA
PREDSTAVNIČKOG DOMA

Borjana Krišto

